

天
啓
滇
志

滇志卷之二十七

藝文志第十一之十

七言古詩

軍中行路難

君不見封狐雄虺自成羣
憑深負固結妖氛
玉璽分兵徵惡少
金壇授律動將軍
將軍擁旄宣廟畧
戰士橫戈靜夷落
長驅一息背銅梁
直指三危登劍閣
閣道迢迢起戍樓
劍門遙喬俯靈丘
叩關九折無平路
江水雙源有急流
征役無期返他鄉
歲月耽香香丘陵
出蒼蒼
林薄遠途危紫蓋
峯路遊青泥坂去去指
哀牢行行入不毛
絕壁千里險遶山
四望高中外分

區宇夷夏殊風土交趾枕南荒昆彌臨北戶川源饒
毒霧溪谷多淫雨行潦四時流崩岸千歲古漂梗飛
蓬不暫安枵腹引葛陟危壘昔時聞道從軍樂今日
方知行路難滄江綠水東流駛炎州丹徼南中地南
中南斗映星河秦關秦塞阻烟波三秦邊地風光少
五月瀘川瘴癘多朝驅疲斥堠夕息倦樵歌向月彎
繁弱連星轉大阿重義輕生懷一顧東征西伐凡幾
度夜夜朝朝班髮新年年歲歲戎衣故灞城隅漢池
水天涯望轉積地際行無已徒覺炎涼節物非不知
闕山千萬里棄置勿重陳征行多苦辛且悅清茄梅
柳曲詎意芳園桃李人絳節紅旗分日羽丹心白羽

酬明主但全一被君王知誰憚三邊征戰苦行路難
幾千端無復歸雲憑短翰空餘望日想長安

折臂翁

白居易

新豐老翁八十八頭髮眉鬚皆似雪玄孫扶向店前
行左臂憑肩右臂折問翁臂折來幾年兼問致折何
因緣翁云賈屬新豐縣生逢聖代無征戰慣聽梨園
歌管聲不識旗常與弓箭無何天寶大徵兵戶有三
軍點一正點得驅將何處去五月萬里雲南行聞道
雲南有瀘水椒花落時瘴烟起大軍從涉水如湯未
過千人二三人死村南村北哭聲哀兒別爺娘夫別妻
皆云前後征蠻者千萬人行無一回是時翁年二十

四兵部牒中有名字處深不敢使知偷將大石腿
折臂張子歎復俱不堪從茲始免征雲南骨碎筋傷
非不苦與國揀退歸鄉苦臂折來經於七年一肢雖
廢身全至今臥臥陰寒夜直到天明痛不眠痛不
眠終不悔其毒老身今獨在不然當時瀝水頭身死
魂飛骨不救應作雲南望鄉鬼萬人塚上哭唧唧老
人說君聽取君不聞開元宰相宋開府不賞邊功防
黷武又不聞天寶宰相楊國忠欲求恩幸立邊功邊
功未立生人怨請問新豐折臂翁

蠻子朝

前人

蠻子朝汎皮船兮渡繩橋來自嵩州道路遙入界先

經蜀川過蜀將收功先表賀臣聞雲南六詔蠻東連
緝柯西連番六詔星居初瑣碎合爲一詔漸強大開
元皇帝雖聖神唯蠻倔強不來賓鮮于仲通共萬卒
征蠻一陣全軍沒至今西洱河岸豎箭孔刀痕滿枯
骨誰知今日慕華風不勞一人蠻自通誠繇陛下休
明德亦賴微臣謗論功德宗看表知如此笑令中使
迎蠻子蠻子遵從者誰何摩挲俗羽雙隈伽清平官
持赤藤杖大將軍繫金呿嗟異牟尋勞尋閣勸特勅
召對延英殿上心貴在懷遠蠻引臨玉座近天顏冕
旒下垂親勞徠賜衣賜食後時對移時對不可得大
臣相看有美色可憐宰相抱紫佩金章朝日唯聞對

一刻

賀南詔獻地圖土貢詩

元稹

西南立詔有直種僻在荒陬路尋真部落走離居長
賤比諸夷狄爲幽冗大戎疆盛頗侵削降有懷心戰
無勇夜防欽盜保深山朝望烟塵上高冢鳥道絕橋
來款附非因慕化因危悚清平官繫金去嗟來天叩
地持雙珙益州大將韋全公頃實遣時定汗隴自居
劇鎮無他績幸得蠻來固恩寵焉蠻開道引蠻朝迎
蠻送蠻常繼踵天子臨軒四方賀朝廷無事唯端拱
漏天走馬春雨寒瀟水飛地瘴烟重推頭醜類除
患瘴足役夫勞洶湧匈奴互市歲不供雲蠻通好蠻

長駭戎王養馬日漸多南人耗賴西人恐

過金沙江

元李京

雨中夜過金沙江五月渡瀘卽此地兩岸峻極若登
天下視此江如井裏三月頭九月尾烟瘴拍天如霧
起我行適當六月未王事役人安敢避來從滇池至
越窩畏途一千三百里干戈浩蕩豺虎穴晝不荒寧
夜無寐憶昔先帝南征月篋食壺漿竟臣妾撫之以
寬來以德五十餘年爲樂國一朝賊臣肆胸臆生事
邀功作邊隙可憐三十七却民魚肉豈能分玉石君
不見南詔安危在一人莫道今無賽典赤

雪山

前人

麗江雪山天下絕，積玉堆瓊幾千疊。足盤厚地背摩
天，衡華真成兩丘垤。平生愛作子長遊，覽勝探奇不
少休。安得乘風凌絕頂，倒騎箕尾看神州。

臨安秋江靜釣詩

本朝王景常

長江西來幾千里，白浪飛流拍天起。中有修鱗長比
人不八，先生釣竿裏。先生襟度足與娛，直鉤在意不
在魚。要將清風蕩星斗，不與怒濤同卷舒。昨夜一絲
蘸寒月，今夜一絲拂飛雪。舉頭傲睨天地裂，目光夜
射蛟龍窟。先生釣竿幾許長，先生經綸千丈強。子陵
桐江遇文叔，尚父渭水逢周昌。江山回首應非故，世
事茫茫難縷數。赤壁天空鴈不來，采石月明鯨已去。

乾坤上下清絕塵天潢水白結冰銀先生有意投竿
起歲月無情却待人

題晴巒積翠壁

前人

玄雲鋪銀海水枯老蛟吸盡天地腴散作春山萬朵
青芙蓉瓊崖翠谷入幽閒古徑紆縈少行迹木末雲
收翡翠明林花著雨胭脂滴山中亭子迴絕塵亭前
車馬如行雲盡東昔見大總管鴈門今有飛將軍殊
方快意且行樂况復江山元不惡蘆笳夜奏邊塞聲
腰鼓春翻太平曲若箇遙峯雲霧裏桃花流水非人
間東望神州幾千里我欲奮飛無羽翰

越州回師

龍角虎牙利莫如扼吭拊背猶可屠羗氏鬱孤睨井
鐵子房黃石無良圖軍心一替噓不起馬尾莫緣良
可吁南箕哆侈自翕舌比斗舍嘖司帝車木牛流馬
記以遠舞女吹簫威鬼區太虛茫茫不可問顛危須
藉英雄扶漢室炎精燭天地東壁昨夜闌圖書文奎
文奎爾不神降婁安可尸其居羊胃羊腸古何有應
昂騎箕今在無畢竟人生總沉陸觴觴瑣瑣應時須
辰參不合匪人力東井五緯行同樞五鬼從傍笑我
愚韓拂文章時贅餘金星八月敵可除拙張有時同
馳驅鵬翼扶搖九萬里結軫何當西擊胡

城南雙塔高嵯峨城北千山如湧波隔斷中原萬餘
里耳邊無處聞絃歌我來正值兵戈後厭聽邊聲出
刀斗壯士沉雄細柳營豈效棘門空趣赴金鼓鐵馬
擁雲霧顧爾羣兒如培塿軍中大將漢武侯氣吐紅
電橫素秋七擒已縱平其酋殺氣慘淡空中收羣玃
趣墟出方物蒟醬苴馬隨旄牛蠻語侏離若禽鳥笑
聽華言不語曉縱橫跋扈無尊卑翻覺王臣眼中小
回首令人憶中國拔劍高歌倚天立碧雞蒼蒼元氣
濕梁王宮殿爲荊棘鷓鴣朝鳴狐夜集金滿牀頭總
何益不如一醉杏花村濯足昆明看山色

登聚遠樓

平顯

白日送客還南滇夜夢還踏滇池船連峯倒垂三百
里白雲水底行青天五華山上香風起蕭點菱花墮
秋水僧蒞海藏受齋歸小笠輕袍船一葦霜眉碧眼
高結喉揖余同登絕頂樓樓中古篆屨船足黃金揭
榜蟠銀鉤傾壺共灑浮提汁東壁淋漓電光入扶桑
亞風掀海立金馬騰驤脫其紮攬虹蜺見西浪風遙
聞雞大白雲中羽人不謹碧雞籠躍出一朵青芙蓉
芙蓉花開成碧藕玉案流泉旨於酒東北飛來鶴上
仙云是商山採芝雙苾芻厭喧寂坐火空牀欲作獅
子吼獅子吼聲吼如雷螺巖石扇訇而開招我題詩
蒼翠壁呼童爲掃夜明苔膜拜其中金粟影珊瑚舌

相青蓮臺因淡空空論白業分靈法喜清涼杯我時
六人斷塵縛若將終身有斯樂天雞振羽啼一聲下
界奔濤滿松壑松濤撲面冷然驚官街鐘鼓交鏗鏗
烟霞已失笑傲伴夢寐徒憶滇陽城滇陽城渺何許
客歸應念平生語相思石上舊精龜萬里蘿龕一燈
雨

登曠怡樓

鄭顥

上人棲並雲霞中棲居背倚青芙蓉映簾花木四攢
並深幽雅稱金僊宮古聞滇陽擅佳麗五華特秀西
南叢滄波遠引勢吞吐城闔俯瞰烟冥濛樓臺萬井
互參列浮圖百尺高凌空面前岡巒總奔赴嵯峨宛

若唐山峯

道中望蕩山

遠和

八關地平少丘坂旌旗微茫城尚遠碧水漁舟白日
寒黃塵旅店秋風晚半山佛寺鬱嵯峨樹色溪聲雲
氣多不得飯依此中住幾回馬首暫經過

點蒼山

童軒

點蒼山色何奇哉芙蓉朵朵天邊開嶙峋直上九千
仞俯視羣岫皆蓓蕾夸娥不能移巨靈不能劈南風
十日吹不平但見雲開橫鐵壁琪花瑤草四時開此
景彷彿非人間千年老雪消不盡龍秋六月生陰寒
我欲乘風升絕頂倒控蒼虬凌倒景黃鶴仙人乎可

招咫尺蓬萊五雲境

賦得滇池夜月

郭文

長天無雲山四青
白月在水搖虛明
冷涵萬象鏡光
裏乾坤一色秋
冥冥玉壺載酒
遊空碧人在清
涼水晶域座中
何卽湖海客醉
眼卻嫌滇水窄
颺颺書劍不可
留坐全樂事成
離憂安得身如
水與月千里萬
里隨君舟

武定獅子岩

前人

何年竺國青猿
猓奮然掣斷黃
金霸天龍聽法
不暇捕躍來萬
里西南陲化爲
千尋之異石至
今髮鬣青離披
千林松響訝哮
吼半岩雲動疑
奔馳勢凌群山

總獸伏獨有碧雞金馬爭雄奇神僧佛客作狡獪特
以招提鎮其背霜鐘月磬聒不醒吐霧吞霞騁光怪
山林疑是給孤園樓閣幻成金色界寒飈吹處愈生
威旭日臨時倍增熊我來未敢輕笑談只恐驚騰向
雲外

霽虹橋

楊慎

織鐵懸梯飛步驚獨立縹緲青霄平騰蛇遊霧瘴氛
惡孔雀飲江烟瀨清蘭津南度衰牢國蒲寨西連諸
葛營中原回首踰萬里懷古思歸何限情

羅漢岩

李元陽

湖上飛岩映波綠石壁挿水山無足
纖艇躋攀到上

頭下見湖光洗寒玉寒玉洶湧動席前二十萬頃涵
雲烟冥冥下鶴飛不去天際迴翔似有綠我聞羨門
與偓佺常騎皓鶴凌茫然得無知我有奇骨將期汗
漫遊先天頻臾鶴去天難唱長風吹予度層嶂路絕
頻經海鶴巢袂輒不用仙翁杖岩際高低刻應真遊
客誰人是後身張望雲霓久延佇六合有盡秋無垠
古來賢達更何在唯有此山長不改把酒臨風酌白
雲浩歌一曲聲翻海聲翻海非世情蛟鰐鯨鵬總失
驚走卻海若與山精融融顙氣虛空窄何必天台訪
赤城

青華洞

前人

青華洞深且密神工融鬼斧劈茫茫空壤問此理不
可詰無乃混沌初闢時浩氣虛泡成幻質生平好奇
膽力壯一覽輕造無休暢沿苔捫石豈容已宛若風
雨投暗室虛幽極處明自生時復有窺見天甲祛昏
破晦露真機萬態千刑難盡述蛟龍騰鳳凰猱麒麟
遊虎豹逸有如神僧跣趺面雪峰朱兔蛇神獻奇術
又如指石石成牛繞劍風雷怒仿叱探幽厯險妙能
窮一一收覽歸吾筆山靈合歛藏陰怪已消黜乾坤
正氣常在茲鎮靜天西自無極行行洞口更升巔笑
看扶桑紅日出

余聞下地上天兩載覆僅有洞天三十六出海蕊經
博古圖已俾前良俱輯錄恒聞西極崑崙黑水壘西
粵名山接漠沿邈隔中原一萬里潛淵碧漢相連懸
又聞茲山奇崛不可紀嶂岫嵌空難與比晦明幻化
神物潛章亥艱難不到此契山主人號指原天分茅
土鎮江門咀誓山河對白日鐵心金字輝煌存六書
池上披科斗班馬詞翰雄出手結交鳳伯山中人義
氣相符世無有談天話日唱陽春淩淩雪骨廉風神
長樓永夜銷蠟燭鵝翻墨藻詩聯新爲有蒐奇探古
癖朝日攀躋勞杖屐禹碑衡岳昌黎傳禹穴龍門司
馬敬詢樵叩牧春復秋山人出山說山繇忻然發悅

獲太寶拉我襟袖如奔牛不俟戎行分陣隊山花繚
 繞雜旌旆糾龍石磴摩馬蹄左扇脊嶂陰靈昧山鬼
 啾啾木客號古藤絙索垂猿猱山禽百韻隔雲木落
 日熊羆呼爾曹路斷吊橋懸怪石宛若晴虹高萬尺
 懸槿度索越他山颼颼天風吹羽翮烟霞不隔水源
 深仙境微茫何處尋人似避秦雞犬丘松根履足蹻
 然音洞門深鎖桃千樹山靈謝指桃源路翠觀青岑
 紫府圖鬼工斷處心驚怖石鍾累累石孔香龍飛鳳
 翥石角長石鍾石鼓還石磬鉤天樂汎音鑿鏘仙人
 酤我長春醪一飲驩襟無處所仙詞瀏亮絳塵煩自
 信憺緣於我予仙人石枕石榻奇不寐遙猜世可知

恐驚道士丁令鶴樵斧腰間一夜疑山人灑墨題顏
貌貌爾瓊英洞天號歸來獻賦奏明光續筆圖壘顯
南徽

玉局寺

前人

杜鵑枝上春可憐杜鵑聲裏雨如烟萋萋滿目芳草
碧杳杳一髮青山懸忽悲隴麥客遊次卻憶揀風花
信前惆悵池塘綠陰樹驚心一曲南薰弦

翠盆水

李元期

谷響人言溪路長溪源未到覺泉香三盆疊落淨於
拭崖根瀉玉迸成漿潭心麗石明翠羽精英彷彿碧
釵股卽非玉女洗頭盆且是仙人石鑪

東林寺

何經

上方樓閣遠塵俗石磴縈回路紆曲門掩青山幾片
雲鳥啼當戶數竿竹禪中自覺太虛空身外那知榮
與辱我來相與說無生流出煩惱三萬斛

登九鼎山

王士性

君不見巴西吳使君君家九峯號凌雲三峨隱隱天
際分又不見沅陵張仲子君家九嶷隔湘水白雲盡
入蒼梧裏就中九鼎亦嶮岬五雲自昔稱奇觀竭來
望勝正陽九北風吹鴈天宇寬白衣望斷黃花老落
落長松翠色寒踈櫺朗月照清夜大壑噫氣博林端
燕壘蜂房嵌空碧清磬一聲天咫尺秋足欲化無羽

翼仰頭好極雙星倚君爲我好飲我爲君朗吟烏帽
籠頭吹不落杖底青山知我心醉睨點蒼山上雲手
撲飛花和酒明

遊雲津洞

鄧原岳

西南洞壑三十六名山徃徃隸仙錄雲津古洞稱最
奇銀峯瑤島紛相屬洞門石乳斷復連盤擎綽約浮
清烟玉屏亭亭作人立玲瓏詰曲皆中穿寬者若廣
野窄者如斗門列炬照之不測頂緣厓捫壁愁攀援
初疑鬼斧鑿定匪人工作縹緲真同麟鳳洲微茫宛
在蓬萊閣瀟瀟溪流清且寒四時不漲亦不乾昏黑
不知深幾許但聞中有蛟龍蟠編竹爲橋危可渡嵐

翠林滴濕如雨，難聲喧作萬壑雷。水氣蒸爲九里霧，
平生眼界無此奇。黔中碧雲差似之，踞地大呼嘆殊
絕。按羅歷覽真忘疲，乃知仙源去人亦不遠。採藥尋
黃計非晚，試繫漁舟溪水頭。花開尚有胡麻飯。

巖洞遊

譚繼統

丹巖插天天路欬，清溪穿地地肺深。海山空處非人
林，小有洞天白日陰。鬼斧何年劈雲根，劃然一桂撐
洞門。洞門春鎖白波翻，青霞紫氣蟠絢緼。美人邀我
訪蓬瀛，縹緲飛虹星渚橫。踏沙穿石青鞋輕，玄洲象
罔捧珠迎。麟幢螭駕闐紛續，燭龍石火互磷磷。銀界
三千色相陳，中天倒插玉璚珣。真有芙蓉十二城，藥

宮貝闌勢淨珠蛟室層樓疑削成躡獅踞象走鼉鼉
四時常滴簾雨新玉禾珠樹自彬彬奇姿怪態粉相
親不信囊中別有春天花亂散似流星空同掣電轟
雷霆驚走排闥虎豹醒忽聞廣樂張洞庭塵心不覺
灑然清冷冷雨袖天風生狂來欲恣汗漫情乘槎竟
到白瑤京中道俄逢太乙君手拄青藜向我云箇裡
津涯杳無垠玄之又玄那可闡一拳打破崑崙局大
地河山總幻形我聆此語倏惺惺恍疑身世在滄溟
回首明霞已策巾玉芝瑤草拾來真洞口緋桃敢笑
人臨流掃石坐雲茵細煮白石餐青精起向山頭騎
鹿行憑巖試問山之英何日容顏一抹青此洞惜在

西南原未得遊仙盡吐神為我移置大江汾武陵鴈
蕩足論

瀾滄江

黃中

蓬婆之水下星峽怒濤直撼馬夷宮臍柱齧蝕銷飛
蜃石壁突起撐晴空博南初度歌猶怨諸葛重來路
始通江霧霏霏江樹暄飄飄疑是躡天風

大理天生橋觀瀑

毛堪

天生片石不盈尺橫放山腰接山脉側身仰望點蒼
高俯瞰懸崖如斧劈一隙中飛萬斛珠千層雪浪紛
如席梅花點點蘼人裾錯落瑤華良可惜馬過峻坂
鳴蕭寺旁耽行人多辟易變幻神奇那可常茲山終

古無今昔我來對此融心神颯颯清風生兩腋凜然
一嘯四山開浪湧波湍天地圻徘徊此際信雄哉萬
里驅車何太迫靜觀造化豈人工吁嗟久矣爲形役
黃石空傳佐漢書高山詎假安儲笑諸葛層城自古
奇不及天生一片石吾儕擾擾亦奚爲水活山空魚
鳥適閑來携酒坐橋邊逢着樵夫且對奕

春日同諸方伯王給諫登太華

楊師孔

江山盡處天水碧嵌空冷浸青苔石蔚藍渾合不見
雲向下驚濤幾千尺坐來心膽照空明一葉不彫波
自清誰吐白毫大圓鏡照見梁州十五城閑騎白鹿
隨春度春溪春鳥桃千樹復嶺長松靜不譁萬簇紅

霞一燈聚八山驚問給孤園說法天花樹樹繁悟到
色空俱不染此是山茶不二門肅指雲深不知處座
間幸有玉臺侶多年雨散海中萍萬里山行花下語
拋將花瓣水雲深一葦波恬發浩吟昆池依杯酒爲
海歌聲激浪風森森

洪濤吟

周仕國

西南漏天豈誠有怪底畢宿光如帚一夜洪濤捲地
來千溪萬壑排山陡只言昆海靜安瀾豈謂馮夷怒
作吼須臾樹杪盡行舟咫尺城下難援手巨魚跳波
細魚泣竈突生蛙柳生肘始信人生多苦辛盜賊水
火姪時受尚想

世廟及

神宗百平四海昇平久至今戎馬蔓生如三藩是處
同波揉深山大澤產龍蛇與雲致雨掀箕斗側身北
望黯生愁一撫長劍頻搔首愧我無家轉憶歸幾歲
積薪採共守才疎民瘼總縈心時難逢未徒充口安
得大吳洗甲兵十尺之組繫群醜吁嗟眼中太平寧
再否

梅花吟

張 橋

君家梅開臘正懷數我賞梅小亭中參差梅樹不知
幾只鬼大梅小梅破東風幽入空有尋梅興不遇梅
花雪滿鬢如何此處坐觀梅池畔無風梅影定憶昔

隴梅折一枝欲傳梅信
君不知江城悵惘梅花落故
國看梅那可期羅浮仙子
夢梅去夢覺梅魂在何處
人人歌徹落梅風家家摘
盡黃梅雨而今有興爲梅
來果梅樹樹不須催不堪
梅蕊驚愁眼更惜梅香掩
積苔君不見梅容淺淡無
顏色臘梅自是花中傑又
不見梅酸澣齒不堪嘗江
梅需爾薦岩廊有時染翰
寫梅掛梅神可傳不可畫
有時梅下撫瑤琴梅花三
弄少知音有時梅映當窻
月忽憶梅神期不得惟欲
梅花對酒開一梅一飲三
百杯

五言排律詩

蜀中經南蠻去後寄雍陶

唐馬 又

角馬渡瀘水北來如鳥輕幾年期鳳關
一昨破龜城此地有征戰誰家無死生
人悲還舊里鳥喜下空營弟姪意初定
交朋心尚驚自從經難後吟苦似猿聲
詔放雲南子弟還國

鄭洪業

德被陪臣子仁垂聖主恩雕題舞鳳闕
丹服出金門有澤沾殊俗無征及饋殫
銅梁分漢土玉璽駕鸞軒瘴嶺蠶叢盛
巴江越雋隈萬方同感化豈獨日南藩
碧雞山

元張雄飛

北闕辭丹鳳雲南看碧雞紫苔移玉座
瑤草濕金泥

雨霽龍歸洞。風生虎渡溪。尋梅穿竹迳。採藥蹠松梯。
白日依山盡。青山入海低。寄書無鴈過。擇木有猿啼。
花映高低樹。園分遠近畦。飛星馳寶馬。沆米吐銀龜。
魚戲蓬房北。鷗鳴荻渚西。長歌漢頌罷。刻石紀新題。

龍首閣

王明嗣

萬里雲南道。壯哉龍首閣。氣吞西洱水。勢軋點蒼山。
天矯盤清秀。蜿蜒躍碧潺。地靈吁可駭。天險邈難攀。
井絡稱雄鎮。神維倚大閑。周章無六詔。俯仰了群蠻。
聖代提封闢。元戎邁選難。度遼推世胄。越嵩靖神姦。
虎節光推轂。犀昆響賜環。駘功崖畔在。寧羨玉門班。

西洱河

述律杰

洱水何雄壯源流自鄧川兩闕龍首尾九曲勢蜿蜒
大理城池固金湯鐵石堅四州健古號三島至今傳
羅閣憑巖險蒙人恃極邊要當兵十萬不數客三千
世祖親征日初還一統天兩師清瘴癘風伯掃氣烟
民物因蕃富封疆近百年點蒼山色好銘刻尚依然
送劉比部恤刑雲南

本朝王世貞

輶車小司寇鼓吹黃金臺天欲南荒盡春還北極來
泣珠思自遠祝網面仍開貴竹披層瘴昆池暖刻灰
客傳星使部人憶夜郎才不識秋鴻外新詩可寄裁
同何振卿遊太平寺

張佳胤

挾邪偶相值旋馬扣空林晚磬孤烟發蕭蕭翠條陰

山川看異域杖屨得同心殿壁蛛絲網樓臺草木浸
觀魚聊線沼布池豈黃金雙樹逢僧少千峯借客吟
何願能躡屨張翰欲抽簪對酒梅花落歸途石澗深
乾坤容二子開闢此登臨

海洞奇遊

郭棐

天山何嶮岼石洞迴玲瓏玉髓明仙掌金波護寶容
高岑雲半掩曩徑蓋難通葉响長飄露林香不斷風
樞衣聊躡屨呼侶且支筇嶽色行邊霽秋聲靜裏空
諸天紛象馬四壁削芙蓉嵐翠沾衣袂杯綠搖青蔥
客子興不淺主翁情逾濃欲待看華月山城停暮鍾

叮嚀山

鄧原岳

灌木千章合。岩花三月深。泉聲盤嶺急。雲氣結林陰。
駐憶方危蹬。褰帷復遠岑。嵐光添秀色。靈籟發清音。
不盡榕羅興。其如汙漫心。計程無百里。問徑有千尋。
臃腫圍奇樹。輻輳語恠禽。未須愁瘴癘。頗已愜登臨。
西塞狼烟定。南天鴈羽沉。嘯歌還不廢。聊此散煩襟。
賞茶花述懷二十韻呈諸同臺 薛夢雷

南園生嘉樹。紅芳天下奇。託根依翠栢。數采結華芝。
綠萼霜前茂。丹香雪裏披。枝頭霞片片。樹底錦垂垂。
秀色含風媚。鮮葩醉日滋。笑渠慚艷態。芍藥避嬌姿。
羣卉皆萎落。孤芳偏反而。衝寒葉鶴頂。浥露濕燕支。
金碧疑春早。青蔥應候遲。朱輝朝爛熳。皓彩晚葳蕤。

灼灼殷簾幌
芬芬襲華葵
居蘭同臭味
倚玉奈墳隤
綺席花間集
清尊月下移
說華忘歲暮
浮白慰天涯
照眼徒如繡
酡顏鬢欲絲
飛英頻對客
揆藻強裁詩
謾遣王孫興
何論幼婦詞
繁榮寧足羨
佳景且堪怡
坐上千危酒
花陰幾局棋
如賡白雪詩
增重彩雲同

五言律詩

南中寄皇甫侍御

唐賈島

曉鍾催早朝
自是赴嘉招
舟泊湘江闕
田收楚澤遙
鴈驚起衰草
猿渴下寒條
來使黔南日
時應聞寂寥

送雍陶入蜀

前賢人

江上事君請
那肯滯雲南
草色分危磴
衫陰近古潭

日斜囊谷鳥夏淺雋州蠶吾自疑雙翼相逢更不堪

得南中山呼鳥

宋 蘇軾

終日銷筠籠回頭惜翠茸誰知聲嗷嗷亦是意重重
夜宿烟生浦朝鳴日上岑故巢何處是鷹隼豈能容

送張寺丞

司馬光

漢家尺五道置吏撫南夷欲使文翁化兼令孟獲知
盤堆菊醬實歌雜竹枝辭

滇南即事

本朝沐 璘

謾說滇南俗人民半雜夷管茲春社早燈火夜街遲
問歲占鷄骨禳凶瘞虎皮輜車巡歷處時聽語侏僂

海源寺

沐 昂

覽勝遊蘭若心清俗慮忘經餘閑貝葉僧定靜禪房
空照明花塢春波漾柳塘徜徉應得趣題咏付詩章

晚入五華寺

郭粹中

向晚歸幽寺明霞飛遠林四山新雨歇一徑綠苔深
僧老齊僧臘泉鳴和梵音階前兩馴鹿去住任禪心

遊太華

郭登

太華山高處金銀佛寺遙斷崖吹石雨虛閣貯松濤
入社還携酒臨溪欲棄瓢白頭僧自老閑坐說前朝

天井鋪

童軒

偶作炎方客來披六月裘山高赤日薄樹老白雲留
聽瀑全疑雨臨風絕勝秋煩心如到此何必玉壺遊

鶴慶道中

前人

岩深多險阻馬足正凌兢
暝雪依巢鳥斜陽歸寺僧
林疎鳴敗葉澗古積堅冰
去去無辭遠荒山又幾層

石馬泉

楊士雲

石馬今何在風雷已化龍
寒光搖一塔晴影浸千峯
玉井蓮堪種瑩池燕或逢
道遙亭上客憑此洗心胸

其二

泉眼生花細流聲嗽玉寒
金沙明的皜翠石遶欄杆
好月新亭得長河隔坐看
幾時騎赤鯉須煉葛仙丹

西湖

楊汝允

遠汎昆池水回看太華峯
波光明組練山色隱芙蓉

木落秋林落江空暮雨濃倘逢漁父問鼓世願相從

帝釋寺

許勉仁

兩流青林潤春歸石室間離筵增悵望勝景共追攀
欲聽均天樂須臾帝釋山所嗟微宦累日暮已言還
蒼山勝槩樓

無名氏

宇寂漾晴霏樓高敞夕暉鍾聲烟水度梵韻月邊微
海暈較入鏡山光翠鳥衣凭欄無限意長笛在漁磯

文殊寺

胡儔

曲徑綠蘿上嵒巖帶閣懸樹深雲護石風疾鳥摩天
井火催鹽急溪流入市旋年來行役苦登覽覺消便

龍泉寺

吳潛

祇園開免野福地湧龍泉塔樹凝珠日壇花散綺烟
風塵鍾冰新山溜鏡中懸暄夏欣幽賞凡襟忽已仙
辛未歲首夏因東山留居有感 孟 富

樹下應無暑梅霖作早寒
毳衣隨意著麥飯及時餐
試浴鸞兒嫩將肥杏子丹
半來生理拙也欲隱江干

遊龍泉觀

前人

踏入龍池迴商山引興長
桃花迎面笑柳葉闌眉粧
波上修鱗赤壇前老鶴蒼
醉吟無限趣回首又斜陽
法華寺 楊一清

重開絕來往惟有白雲通
萬事都歸幻浮生本是空
心閑波自止性定月方中
亦有淵明興留詩寄遠公

遊虎丘寺

楊慎

翠嶺圓平麓香臺出半空
兜羅分世界簷蔔起夫風
雪竇沿迴入雲房窈窕通
衣冠名賞舊何必藏吳中

漁池泛舟見新鴈

前人

忽見行鴈來應自故鄉
天涯多少路雲際幾番霜
漁水饒葭茨畝山足稻梁
金河爾休戀無限虜弦張

遊法華寺歸再飲遥岑樓

前人

羅衣綈山遊雲林意轉幽
苔愁金屐齒花妬錦纏頭
陽燄紅將斂晴嵐翠欲流
清樽興不盡邀月坐岑樓

過石樁村訪唐河東刺史王仁求碑

前人

唐代河東守周朝聖曆時
土花封綠字燕髮被金碑

涼露麟猶卧嘶風馬自悲荒原誰過問郡乘不曾知
其二

鳴蟻古河東川原勢亦窮城荒吊華紉山遠問蔥蒙
玉筋埋天祿銀鈎剝盡蟲閭丘名姓在鄉桑神清風
遊圓通寺
夏言

古寺翠崖陰危亭絕頂臨鶴巢松有夢雲出岫無心
瓦運板蘿上叢臺刻竹吟南方秋日暝清響答損香
初入滇關二首
滇池集

蒼然平楚望云是古滇疆白日開南徼青天豁大荒
河山猶內地花柳自殊方吹盡浮雲色離風萬里長
其二

一出夜郎道纔看曉日生
風聲連海壯地勢入滇平
氣色開金馬烟花滿石城
寄言張博望此去可橫行

宿九頂寺

董 難

片身凌碧落九頂墮青層
寶日烘倪座香風護象乘
棧迷尋洞客雲貼補衣僧
為歎支那宿晨炊惜佛燈

蘭若寺

前 人

寶鐸敲崖日羅幡雜澗虹
法螺三界外青梵五雲中
松定歸依鶴泉馴字護龍
遠公知姓字洗鉢願相從

題龍閣水樓

僧天祥

此樓登眺好終日俯平湖
葉盡村村樹花殘岸岸蘆
漁情獨釣沙鳥晚相呼
何處微鍾動雲藏島寺孤

迦羅漢寺

施昱

一到諸天上秋風覺更涼
桂香飄合殿松影匝迴廊
路折山環翠泉流石噴香
真成幽絕處塵慮與俱忘

法明寺

清晨訪法界高閣上毘盧
獨鶴巢深樹幽泉瀉舊渠
開窓盡丘壑入寺極虛無
坐受香燈寂因懷禪誦徒

龍泉寺

前人

泉牢漢南徵訝爾學西天
鑿石開龍象穿山引象泉
胡奴長禮佛法侶共安禮
賔暇來相訪難同靜者緣

石馬泉

姜龍

舊志聞茲水何時注此亭
來應自西極流或到南溟

巢父牛堪飲庖犧焉似經直鉤無下處坐對晚山青

寄雲南曹副使達

王世貞

封事人堪老長沙帝未前試論驄馬客誰更碧鷄天
被逐居恩茲淹留國士偏南溟六月恩待汝擊風烟
送曹心泉餉武定軍

張佳胤

天兵能盪寇芻粟賴明公飛輓千峯裡輟輟五尺中
秋從金馬度路爲木牛通諸將分封日先論轉餉功
聞報呈呂沃洲太司馬

前人

賊計驕三窟軍威撼七州功成雙匕首象隕一旄頭
涓恥今全削燕銘或可留平南洪武後再見潁川侯

其二

徵符尚長集萬甲大漠西露布群峯遍烽烟列戍低
版章枚并脈單食擁雕題未及書盟府磨崖且碧鷄
其三

滇城連武定反狀久鳴張孽煽蝗蛉種危依燕雀堂
千金來劍客一戰掃龍荒上國圖王會夷歌獻白狼
其四

曉風吹吉語散入穀昌城天地終何事閭閻卜此生
典衣村市酒撫掌焚香聲湧海澄如鏡歸來待洗兵
楊林道中
前人

微雨溼前蹊塵氛淨不迷海平天上下雲抱樹高低
搖落聞紅葉樓遲問碧鷄金城雙石洞隔水見丹梯

席上聽何振卿談大理山水

前人

衣裾蒼洱色得意總看君蠟屐西南盡天鷄日夜開
杯前流海氣古上起風雲便擬逃名去翩翩入紫氛

行部通海觀玄竅作

前人

巨浸浮天地東奔似建瓴誰其玄竇鑿真作尾閭形
曲水穿千障寒流隱列星何當運鵬翮與爾下南溟

赤石崖賦

鄒應龍

秣馬臨荒服村民盡擁扉山川紛秀癸烏鵲杳孤飛
玉帳嚴刁斗金戈挽夕暉天聲動無敵何計決從違

遊華亭考

郭斗

出郭地逾好尋岩逕轉深烟花浮遠樹雲氣結遙岑

真境無人到空門有客臨長吟待明月杯酒話無心

春日奉侍鄒中丞登太華次韻

龍施

碧嶂春烟澹丹梯午吹微飛流遙界道空翠欲沾衣
鳥語自高下雲閑孰是非坐觀渾萬象心景暢無遺

大理道中

莊誠

迤邐蒼山道勒來陌上駟俸錢羞素飽奔走幸涼形
民困何繇息心同敢自寧干戈今已解休養賴

朝廷

過漾水洱水合流處

方沆

荒館千山裏双流此合岸蒙茸交巖樹霹靂走江聲
石角穿林出霞標抱日明停驂愜幽意辛苦長復征

歸化寺古遺蛻

唐光官

芳郊論交久禪宮踐夙盟山雲隨去住水石自出情
識識西來意徒深大隱情醉歸燈火夕林莽接滇城
夕佳閣

鄧原岳

石林隱佳氣梵閣空崔嵬一室虛明界千峰蒼翠來
鳥鳴山谷合猿去澗雲開忽聽鍾聲遠悠悠何處臺
東林寺

錢邦桢

東林何代寺西郭半村間境靜諸天香軒清老初閑
曹溪千里孤鷄足萬年山雲封悠悠處高人時往還
今日造太華訪竇上人不遇

施漸遠

為訪山中社寧知象外遊丁香虛小院石竹隱層樓

縹緲霜空淨蕭森夕殿幽登臨欲有賦佳興與誰酬

石竇山

吳 懋

靈巖何年構奇觀是此來翠虹天上踏金相雪中臺
雲竇參差見花開窈窕開手中青竹杖隨意拄仙苔
華亭寺 辛紹勳

浩浩烟波淑光搖地欲浮寺從天上出人在畫中遊
古木青于染寒雲凍不流共僧譚半偈滌盡六根愁
干崖夜月 潘文昌

秋殘餘烈甚畏客正霜前崖月今宵滿邊愁此日懸
照人無點碧老我幾輪圓獨坐金波冷寒雲淨遠天
中泉上人之號出中谿公氏之命惜無所指以潛

溪水寶之

張宗載

為愛漕溪水山中第一泉
傳燈留並石荷揮飯誰先
淨滴登秋月圓光破漢烟
塵勞多渴咽所恨未參禪
見奇臺

彭憲范

丹嶂青螺結閣來
長者車看山翔過
鴈酌酒炙枯魚
洞是蛟龍窟崖留蚪蚪書
春遊歡不極莫遣寸陰虛
登海源洞歸途遇雨

周嘉謨

洞口扶陰合銜盃
日已斜海雲生靄靄
山月吐光華
酣酢情無極登臨興未賒
歸途風雨急小隊入田家
毛侍御邀飲二珠堂同周中丞賦

魏廣微

何心隱絕傲相遇眼偏青
以此憐知己無須念獨醒

笙歌頻接夜杯酒以忘形試奏陽春曲還應倚醉聽
白水驛和魏道冲韻

張瑞圖

策馬歸荒甸前旌度渺茫空山足霧雨絕徼異陰陽
處暑偏衣冷方秋覺夜長亦知行尚遠未敢念江鄉
點蒼山

馮時可

蒼崖點霄漢隨照入孤城晴雪歲時積奇雲日夕生
龍蛇依日卧鶴鶴傍松鳴十八溪分注家家環珮聲
署齋

前人

獨客能尋趣孤清意自憐庭中有奇樹山下出神泉
雲片浮輕素天光似澹烟清歌何處響歸思益淒然
浴溫泉過張亨衡携具見過

史旌賢

自得浴沂趣道心迥不微悠悠移倚席楚楚試新衣
覽寂傳清賞山空敞落暉為耽章冠樂咏久解忘歸
星回節圓左司馬邀登西爽樓

毛 堪

大火未西流繁星忽滿疇野人傳節候蠻女盡歌謳
雷電占豐象燔燎祝有秋幽風多樂事國史自今收
秋且飲圓通寺

楊春茂

深茅結城隅堂開勝二珠松風吹籟寂竹色受禪枯
引酒看龍劍披襟對玉壺虜弦秋恐動素食蠅吞胡
家君初度日閑曾泉中丞藩臬群公貺以鴻章藉
手選祝賦感

朱泰禎

漉酒天南意椿枝五色雲四朝鳩杖侶雙隱鹿門群

煉液師和仲分耳仰右軍何當玄鳳藻遙致碧鷄芹
先春二日邀閑會泉中丞集西臺樓時嚴飭道將
會議霑益師期得蔡元履侍郎之問 前人

歌閣俯層城西郊衆嶺平龐頭霜草碧川上夕陽明
竹報迎年意歌傳舊國聲夜郎飛赤羽行矣慎佳兵
唐制以正月晦日為節余以是日放鶯于亭偶暖

華頂新茅懷揚霞標學憲

前人

學種先生抑而無道士鷺春池誰暖墨帶草詎成巢
霽月光堪摘籠雲醉亦醺譚經美楊子茗戰肯相過
其二

元晦貞觀節芳菲復此亭抽書焦尾綠篋劔浦苗青

鵲眼濡還淋鵲群汎欲停願將心作腕破被草黃庭
圓通寺邀閔中丞未至獨眺峯頂 前 人

清螺削百折閣俯城陰佛日張烟水仙臺不可尋
丹梯緣縵絕萬井一杯深古洞苔封後潮音空復沉
上巳日赴閔曾泉中丞二殊堂楔飲席間初閱計

報

前 人

西出碧鷄坊浮杯舊草堂平橋看妙舞新月篆修廊
計吏喧朝牘初禪聽法王中丞修禊事不羨永和觴
呈呈貢早祭過晉寧道中喜見農事 前 人

海邑凌晨發旌竿露湛斯春深平野綠氣淑麥苗滋
紺雛移朝隴農歌出水湄來風聊自慰應與續幽詩

王壺天

前人

光曲疑無縫丹樓玉一痕有光分月脇無地宿雲根
崑戶窺駒隙塵聲隔遠村重昏翕慧照聊一共癡尊

醒石

前人

揚子浮杯處長令片石醒枕烟支翠幕扶醉倚寒汀
蔥嶺如如幻曹溪月在餅涼州新入破爲尔亦須停

樓中對諸峯積雪

前人

點蒼結夏凍况此復霜晨玉骨無窮刻寒光幾度春
使君朝作供月素晚來賓冰心有知己萬里若爲親

曲江溫泉試浴

前人

川路曲如髮山郵度遠岑懷珠看煖燄浸玉也棠陰

頂灌太功水塵空半壑深
吾其無內熱常淨有冰心
留仙坡觀巨人跡謂老君祠

前人

樓迴臨危磴藤深宿野雲
八公招隱操太上五千文
地與須彌窄坡從芥子分
數椽慚柱下巨跡偉人聞
立春日邀藩臬群公同閫帥夜集

前人

綵仗青門八板圖
栢府懸臘隨銀燭
換春與絳花然
麗藻雄三事
方猶足四筵
清歡深自慰
除日通歸年
送施二華都閫之任滇南叅帥

戴燦

鵲印新恩重熊車熟路輕
千盤辭劍閣萬里赴昆明
膽落烏蠻洞風清驃騎營
天威息兵甲一曲繼南征
交水道中次張太史二水先生韻

謝三秀

去去五華路冥冥四月天寒聲過澗兩晚翠隔蘿烟
乳燕嘈山驛鷺鳥啄野田從來會心處林水獨悠然
其二

龍峯相對出一望欲摩天霖霖移秧雨綳縷煮蘭烟
酒甕多映竹牛屋半依田未暇論幽事煩襟已洒然
奉和學憲致虛樊公署中瑞菊韻 前人

奇葩開月下分影上瑤窓詩壘因之破愁城于此降
藥宮應第之花史本無雙清賞未云已餘歡趣夜缸
羅漢寺 辛聯芳

壑雲生後忽林靄散霏微秋靜諸天迴壇空一鶴飛
遠波看漠漠落日倍輝輝山侶朝元罷笙簫月下歸

高峽登舟

閔應雷

湖光三百里，不棹界中流。
碧漢衝波動，青山拍鏡浮。
蒼烟迷鷺渚，鳬目掛魚舟。
不待逢搖落，清輝共月秋。

登海源寺傾洞

蘇耒

謠鑿北靈龕，嶙峋接太清。
春明華嶼媚，谷暗白雲深。
遣興逢知友，談禪有梵僧。
憑臨絕頂上，一望海波平。

題溫泉碧玉

童正蒙

海內誇名勝，無如碧玉泉。
真源通大井，細脉注龍淵。
浮鏡疑無地，觀瀾別有天。
湯銘還可勒，仙蹟擅南滇。

秋日遊南山寺

郭維彊

高曠多居興，幽尋北郭旁。
隔村秋水白，隱寺野雲涼。

鳥熟分僧供花清佐客觴欲歸談轉劇不爲兩師妨

荊雞足山

辛嗣進

緩步危崖上迢迢石徑斜雲深藏古寺樹老落藤花
接竹細通水燎松漫煮茶僧歸明月下空翠濕袈裟

寶珠寺瀑布泉

白藏

艤棹從吾好來看瀑布泉源逢孤剎聞響送數峯前
跌石飛珠兩排空落玉川岩頭一倚弄煩暑頓全蠲

視師新平

胡其慥

深秋雨復濛殺氣滿新中不作邊庭吏那知恩遇隆
弓刀彎漢月鞞鼓亂腥風此日山城隘何誇百二雄

暮春東臯晚眺

孟富

連朝來好雨新水漲平溪紅濕花粘徑綠肥菜長畦
春殘鵲叫切風軟燕飛低偶向晴郊眺牛羊下日西